

Kalendari i lutjes NGRITJA E KAMPIONEVE MARS 2018

1. Perëndia po kërkon për burra që Ai mund t'i transformojë sipas vullnetit të Tij - burra që janë të etur dhe të gatshëm të bëhen luftëtarë të besimit. A të ka gjetur ty? Lutuni që Ai do t'ju transformojë nga brenda (2 Korintasve 3:18)
2. Kur Danieli mësoi se Mbreti Dar e kishte nënshkruar urdhrin e tij fatal (Danieli 6: 9-10), ai ra në gjunjë. Nëse Perëndia nuk do të kishte ndërhyrë në mënyrë të mrekullueshme, kjo do t'i kushtonte Danielit jetën e tij. Luanët e uritur do ta kishin vrrarë. Lutuni që ju të keni të njëjtin besim tek fuqia e plotfuqishme e Perëndisë (Danieli 6:11).
3. Kur Danieli u hodh në shpellën e luanëve, Perëndia dërgoi engjëllin e Tij për ta mbrojtur atë. Lutuni që Perëndia do të dërgojë engjëllin e Tij për t'ju mbrojtur edhe ju nga çdo gjë që ju kërcënon. Gjithashtu, lutuni që besimi juaj në Perëndi kurrë të mos pushojë, pa marrë parasysh rrethanat me të cilat do të përballeni (Marku 11:22).
4. Besimi i Danielit dhe mbrojtja e Zotit për të në shpellën e luanëve kishin një ndikim të madh tek Mbreti Dar (Danieli 6: 25-28). Lutuni që besimi juaj të ndikojë mbi familjen, miqtë dhe kolegët tuaj. Falënderoni Perëndinë se Ai po punon përmes jush. Ai ju drejton në paradën e fituesve, sepse ju i përkisni Krishtit! (2 Korintasve 2:14)
5. Blasfemia dhe përmendja e emrit të Perëndisë më kot janë shumë të zakonshme sot. Një burrë i perëndishëm, në vend që të lejojë fjalët e pista të depërtojnë në të folurën e tij, duhet të jetë i kujdesshëm me fjalët e tij dhe duhet të ndjekë këshillat biblike që *"Asnjë fjalë e keqe le të mos dalë nga goja juaj"* (Efesianëve 4:29).
6. Lutuni që ne si burra të kemi një të folur të shenjtë. Një matës i thjeshtë i fjalëve të një burri është të marrë parasysh se si ai flet me gruan, nënën, fëmijët ose dikë që as nuk e njeh (si një kamerier apo kameriere në një restorant). Solomoni vuri në dukje se një përgjigje e butë e fashit zemërimin (Fjalët e Urta 15: 1). Lutuni që ne si burra të përdorim fjalët tona për të bekuar dhe për të inkurajuar.
7. Fjalët e duhura në kohën e duhur janë si vepër arti e çmuar prej argjendi dhe ari (Fjalët e Urta 25:11). A tregojmë vlerësim, a jemi të mprehtë dhe kritik, duke i parë njerëzit e tjerë me syrin që ekzistojnë vetëm për të më shërbyer? Lutuni që fjalët tona të shfaqin hirin e Perëndisë dhe dashurinë për Jezusin.
8. Ndjenjat mund të lëndohen nga fjalët, marrëdhëniet mund të shkatërrohen, martesat të prishen - të gjitha për shkak të temperamentit të pakontrolluar dhe të fjalëve. Solomoni paralajmëroi: *"Mos lidh miqësi me njeriun zemërak dhe mos u shoqëro me njeriun idhnak,"* (Proverbat 22:24).
9. Lutuni që Fryma e Shenjtë do të drejtojë stuhitë tona dhe do të ndreqë fjalët tona. Një burrë i perëndishëm punon për të mbajtur në kontroll emocionet dhe fjalët e tij, dhe zbaton mençurinë e shkruar nga Jakobi: «Prandaj, vëllezërit e mi shumë të dashur, çdo njeri të jetë i shpejtë në të dëgjuar, i ngadalshëm në të folur dhe i ngadalshëm në zemërim» (Jakobi 1:19).
10. Lutuni që ne do ta lejojmë Jezusin të jetojë urtësinë dhe butësinë e Tij nëpërmjet nesh. Jezusi na mësoi të lutemi: 'Dhe na i fal fajet tona, ashtu siç ua falim ne fajtorëve tanë.' Lutuni që burrat të modelojnë faljen duke kërkuar falje kur ata pa dashje ofendojnë ose lëndojnë ndjenjat e një anëtari të familjes. (Mateu 6:12)
11. Bibla thotë: «Kush ka gjetur grua ka gjetur një gjë të mirë dhe ka siguruar një favor nga Zoti.» Lutuni që burrat të përdorin fjalë dhe veprime që tu tregojnë këtë të vërtetë bijve dhe bijave të tyre. (Proverbat 18:22)
12. Fjalët zemërake mund të jenë si thikë për zemrat e të dashurve. Lutuni që burrat dhe etërit në lidhje me çështjet e zemërimit do të kërkojnë ndihmë biblike dhe do të ruajnë gjuhët e tyre. (Jakobi 3:10).
13. Bota thotë se martesat janë të lira, por Bibla thotë se martesa është një besëlidhje midis bashkëshortëve dhe Perëndisë. Lutuni që burrat të respektojnë zotimet e martesës dhe të marrin ndihmë për ta bërë këtë nëse është e nevojshme. (Marku 10: 9).
14. Balanca mes punës dhe shtëpisë mund të jetë sfiduese për burrat. Si rezultat, grindja dhe ankimi mund të mposhtin mirënjohjen për bekimet e Perëndisë. Lutuni që këta burra dhe baballarë ta falënderojnë Perëndinë për ato cfarë Ai siguron dhe të luten, me falenderim, për çdo nevojë të paplotësuar. (1 Selanikasve 5:18)
15. Ne ndërmjetësojmë për mbrojtje në një botë armiqësore. *"Por ti, o Zot, je një mburoje rreth meje; ti je lavdia ime dhe ai që më larton kokën."* (Psalmi 3: 3). Lutja ofrohet në mënyrë që Perëndia të përlëvdohet në jetën tonë dhe nëpërmjet Ngritjes së kampioneve.
16. Ne i lutemi atij që është burimi i mençurisë dhe i jetës së përjetshme. Tani Mbretit të amshuar, të pavdekshmit, të padukshmit, të vetmit Perëndi të ditur, i qoftë nder e lavdi në shekuj të shekujve. Amen."(1 Timoteut 1:17). Ne e nderojmë Zotin si sovran dhe të përjetshëm.
17. Bota, mishi dhe Djalli na kundërshtojnë çdo ditë, ndonjëherë përmes përndjekjes, në raste të tjera nëpërmjet joshjes dhe mashtrimit.

- Megjithatë, nëpërmjet bashkimit tonë shpirtëror me Krishtin, ne jemi në anën e fitores. Por ta falënderojmë Perëndinë që na jep fitoren me anë të Zotit tonë Jezu Krisht." (1 Korintasve 15:57).
18. Kurajoja nuk është mungesa e frikës, por besimi se Perëndia ynë është i pranishëm dhe i mjaftueshëm për sfidat e jetës. Ai na garanton: "*Mos ki frikë, sepse unë jam me ty, mos e Humb, sepse unë jam Perëndia yt. Unë të forcoj dhe njëkohësisht të ndihmoj dhe të mbaj me dorën e djathtë të drejtësisë sime.*»(Isaia 41:10)
 19. Ne lutemi për ndryshime të vazhdueshme në jetën dhe familjet tona. Ky përparim nuk vjen përmes vetë-përpjekjes, por nga Fryma e Perëndisë duke punuar në dhe nëpërmjet nesh me anë të hirit. "*Dhe ne të gjithë, duke soditur fytyrëzbuluar lavdinë e Zotit si në pasqyrë, transformohemi në të njëjtën shëmbëllim nga lavdia në lavdi, posi prej Frymës së Zotit.*" (2 Korintasve 3:18).
 20. I dashur Zot, është kaq shumë e vështirë të dish se kujt t'i besosh. Disa njerëz më kanë tradhtuar dhe të tjerët më kanë braktisur. Por Ti më ofron praninë tënde të vazhdueshme pa marrë parasysh se çfarë ndodh. Kur ndihem i vetëm, më kujto se Ti je aty për mua. Të falënderoj që kurrë nuk do të më lësh dhe nuk do të më braktisësh. (Jozueu 1: 5)
 21. At Qiejlor, kur vjen ndonjë telash Ti më fton të thërras tek Ty. Falemnderit që përmes problemeve të mia më tregove që kam nevojë për TY gjatë gjithë kohës. Prandaj, unë të besoj Ty me jetën time. Falemnderit që më clirove dhe kujdesesh për mua. (Psalmet 91:15)
 22. O Zot, falemnderit që më tregove që cdokush mund të lodhet dhe të bjerë. Por TI je gjithmonë gati për të qenë forca ime. Prandaj, e pranoj se jam i dobët. Kështu që unë dorëzohem. Unë të besoj Ty të jesh forca e jetës sime. Më lejo të jetoj jetën time jo si i lodhur dhe i këputur. (Isaia 40: 30-31)
 23. Zot Jezus, nganjëherë bëhem shumë konfuz. Por Ti nuk je autori i konfuzionit. Prandaj, e kuptoj se kam shkuar në drejtimin e gabuar. Kështu që unë tani kthehem te Ti dhe po mbështetem plotësisht te Ti. Besimi im është te ti Zot. Falemnderit që më bën të fortë në TY! (Isaia 30: 1-3, 15)
 24. Lutuni për mençuri, dashuri dhe guxim për të jetuar vlerat absolute dhe të vërtetën e Perëndisë në jetën tuaj personale dhe në familje, pavarësisht nga padrejtësia dhe imoraliteti që po shtohen në kohët që po jetojmë. Lejo që bota të shohë veprat e tua të mira dhe lavdëro Perëndinë. Ji i gatshëm t'i përgjigjesh çdo burri tjetër për shpresën që është në ty, me zemërbutësi dhe frikë. (1Pjetri 3:15)
 25. Bëhu një njeri i përkushtuar ndaj prioriteteve të perëndishme. Jezusi tha se urdhërimi i parë dhe i madh është ta duash Perëndinë me gjithë zemrën, shpirtin dhe mendjen tënde. (Mateu 22:37)
 26. Lejo që kjo e vërtetë e Mateut 22:37 të bëhet realitet pasi të kalosh kohë me Zotin në lutje dhe studimin e fjalës së Tij. Ai do t'i kthejë këto minuta të kaluara me Atin tuaj qiellor në investimin më të mirë të ditës suaj.
 27. Lejoni që dashuria e Kalvarit të tregohet nëpërmjet fjalëve dhe veprave tuaja. Lejoni Zotin të transformojë mënyrën tuaj të menduarit duke ju çliruar nga modeli vetë-shërbyes i kësaj bote. Mos harroni se ju i përkisni Mbretërisë së Perëndisë dhe jeni blerë me çmimin e gjakut të Tij. Ju jeni i Tiji. (1Korintasve 6:20)
 28. "Çdo burrë një luftëtar", studimi radikal i Biblës i TWR-së, i thërret burrat në një marrëdhënie personale dhe të thellë me Perëndinë. Merrni pjesë (www.everymanawarrior.com) dhe lutuni që e vërteta e Shkrimit t'ju shndërrojë në njeriun që do të qëndrojë në hendek dhe do të ndërtojë murin. Ti mund të jesh burri i cili i drejton dhe i mbron ata, që Perëndia të ka dhënë për t'u kujdesur. (Ezekieli 22:30)
 29. Princi i kësaj bote është mposhtur në Kalvar. Megjithatë, deri në kthimin e Krishtit ai përdor qeverinë laike për të treguar fuqinë e tij. Lutuni për ata burra dhe gra që kanë autoritet të kuptojnë se përgjegjësia e tyre përfundimtare është tek Perëndia. Lutuni që ata të mos përkulen te axhendat politike dhe as ideologjike, por të bëjnë drejtësi, të duan mëshirën dhe të ecin përrulësisht me Perëndinë. (Mikea 6: 8)
 30. Lutuni për të krishterët të cilët ballafaqohen me kundërshtimin dhe veçanërisht për ata që përjetojnë përndjekje të rreptë: "*që prova e besimit tuaj, që është shumë më i çmuar nga ari që prishet, edhe pse provohet me zjarr, të dalë për lëndim, nder e lavdi në zbulesën e Jezu Krishtit,*"(1 Pjetrit 1: 7).
 31. Shumë burra janë lënduar thellë nga të tjerët. Nëse këto plagë nuk trajtohen siç duhet, ato pengojnë marrëdhëniet e shëndosha emocionale dhe shpirtërore. Perëndia premtoi se do të ishte pranë atyre që kishin zemër të thyer dhe për të shpëtuar ata që janë të dërrmuar në frymë. (Psalmi 34:18) Lutuni që burrat të kthehen tek Jezusi, shëruesi i shpirtit tanë, në vend që të merren me ilaçe dhe sjellje të tjera varësie.